



Landslægeembedet

Cannabisimit nioqutissanik 0,2%-imik tetrahydrocannabinolimik akulimmik eqquassinissamut suliffeqarfinnut akuersissutit pillugit Nunatta Nakorsaaneqarfiata ilitsersuutaa nr 1/2023

Udgivet den 7. marts 2023

Imarisai

1. Nalinginnaasumik	1
<i>Cannabisimit nioqutissat sorliit malittarisassaqaartinneqarpat</i>	<i>1</i>
<i>Ilitsersuummi matumani ilaatinneqanngitsut</i>	<i>3</i>
2. Cannabisimit nioqutissanik 0,2% ataallugu THC-mik akulimmik suliffeqarfiit eqquassinissaannut akuersissut	4
<i>Kina Nunatta Nakorsaaneqarfianit akuersissummik tunineqassava?</i>	<i>4</i>
<i>Kina Nunatta Nakorsaaneqarfianit akuersissummik pisariaqartitsinngila?</i>	<i>4</i>
<i>Cannabisimit nioqutissanik 0,2% ataallugu THC-mik akulimmik eqqussuineq</i>	<i>5</i>
<i>Inuk Nunatta Nakorsaaneqarfianut akisussaasuusoq</i>	<i>6</i>
<i>Akuersissummik qinnuteqaat</i>	<i>6</i>
Ikrafttræden	7

1. Nalinginnaasumik

Cannabisimit nioqutissat sorliit malittarisassaqaartinneqarpat

Ikiaroorartut pillugit nalunaarut malillugu¹ Cannabisimit nioqutissat 0,2% ataallugu tetrahydrocannabinolimik (THC) akullit, allattuiffimmi B-mi nr. 59-imi allanneqartunut eqqaanartut taakkuninngalu piareersarneqarsimasut Nunatta Nakorsaaneqarfianit akuersissuteqarluni eqqussorneqarsinnaapput. Nr. 59-imi allattuiffimmi B-mi tullinnguuttut ilaatinneqarput: Cannabis

¹Ikiaroorartut pillugit Namminersorlutik Oqartussat nalunaarutaat nr. 40, 23.decembari 2022-meersoq

(tassani paasineqarluni naasumut Cannabisimut ilaasut nunap qaaniittut naasut immikkoortui tamarmik, kutsutaa peerneqarsimanani. Ilaanngillalli naasup hampep naatitassai (hampep naatitassai) aamma hampep ipai immikkoortinneqarsimasut).”²

Nunatta Nakorsaaneqarfia akuersissutinik suliaqartarpoq aamma inatsisitigut pisinnaatitaasumut (Suliffeqarfik) akuersissummik tunniussinissaq akuersissummilluunniit utertitsinissaq pillugu aalajangersinnaavoq. Nunatta Nakorsaaneqarfiata piumasaqaatit aalajangersarsimasaanut naapertuuttumik akuersissummik utertitsisoqartarpoq.

Cannabisip naasua cannabisimit nioqqutissat 0,2% ataallugu THC-mik akulittut paasissutissiissutigineqarsimasut taakku nalunaarummi aalajangersakkani ilaatinneqarput taamaalillutillu ilitsersuummi matumani aamma ilaallutik.

Naasumit cannabisimit nakorsaasiamik THC-mik akoqanngitsumik eqqussuinissamut Nunatta Nakorsaaneqarfianut akuersissummik qinnuteqartoqassanngilaq. Allattuiffimmi A, B, C, D-mi E-milu nalunaarummi atuuttumi ikiartornartut pillugit malittarisassani allani ilanngunneqarsimangippata kiisalu taratsut aamma sananeqaatinik taaneqartut ikiaroonartutut sunniuteqartunik peqanngippata.

Suliffeqarfik nioqqutissanik taakkuninnga eqqaaneqartunik eqqussuinissamut qinnuteqartoq paasissutissat Nunatta Nakorsaaneqarfianut tunniunneqartut eqqortuunissaannut akisussaasuvoq. Taamaammat paasissutissat nalunaarutigineqarsimasut tamakkiisuunngitsut eqqoqqissaartuunngitsullu eqqaassanngikkaanni paasissutissat tiguneqartut eqqortuunissaat naatsorsuutigalugu Nunatta Nakorsaaneqarfiata qinnuteqaatit suliarisarpai.

Ikiaroonartut tamaasa ikiaroonartutut sunniuteqartut eqqarsaatigalugit nalunaarummi ikiaroonartunut allattuiffik tamakkiisuunngilaq, taamaattorli Kalaallit Nunaanni ikiaroonartunut malittarisassaqartinneqartunut allattuiffiilluni.

Ilitsersuummi matumani allattuiffimmi B-mi nr. 59-imi allassimasut tassaapput ikiaroonartut cannabisit 0,2% ataallugu akullit aamma Kalaallit nunaannit Inatsisartut inatsisaat nalunaarullu

²Ikiaroonartut pillugit Namminersorlutik Oqartussat nalunaarutaannut ilanngussaq 1.

aqutigalugit malittarisassiorneqarsimasut. Cannabisimit nioqqutissat taaneqartut 0,2% ataallugu THC-mik akullit allattuiffinni A,C,D-mi E-milu allassimangillat.

Ikiaroorartut THC-mik akoqarnerannik paasissutissanik imaqarneranik paasissutissanik peqanngitsut Inatsisartut inatsisaanni nalunaarummiluunniit ilaatinneqanngillat. Tassa imaappoq cannabisimit nioqqutissat taakku pillugit suliffeqarfiit qinnuteqassanngillat.

Cannabisimit nioqqutissanik 0,2% ataallugu THC-mik akulimmik eqqussuinissamut Nunatta Nakorsaaneqarfianit akuersissummik pissarsisimagaanni taamaallaat taakkuninga nunatsinniitsitsisoqarsinnaavoq.

Malittarisassat eqqortinneqarnissaannut suliffeqarfiup nammineerluni qaqugukkulluunniit akisussaaffigaa. [Nunatta Nakorsaaneqarfiata nittartagaaniittut kiisalu inatsisinut nutaanut nalunaaruteqartarfimmiittut paasissutissat kingulliit ingerlaavartumik pissarsiarisarnissaannut Nunatta Nakorsaaneqarfia suliffeqarfinnut kaammattuivoq.](#) Nalunaarummut allannguutit Naalakkersuisut nittartagaanni saqqummiunneqartassapput aamma Nunatta Nakorsaaneqarfiata nittartagaatigut nalunaarutigineqassapput.

Suliffeqarfik akuersissummik pissarsereeraluarluni cannabisimit nioqqutissanut eqqussorneqartunut 0,2%-imik THC-mik akoqarnissaanik killissarititaasup eqquutsinneqarnissaa suliffeqarfiup akisussaaffigaa.

Ilitsersuutip matuma nalunaarutillu akornanni naapertuutinningitsumik allassimasoqassappat, nalunaarummi aalajangersakkat qaqugukkulluunniit atuuttuusarput.

Ilitsersuummi matumani ilaatinneqanngitsut

Ilitsersuummi matumani tullinnguuttut ilaatinneqanngillat:

- Suliffeqarfiup ikiaroorartunik tuniniaaneranut, eqqussuineranut, annissuineranut uninngasuuteqarneranullu atatillugu suliat attuumassuteqartut allattorsimaffimmi A, B, C, D-mi E-milu ilaasut.
- Inuinnaat cannabisimik 0,2% ataallugu akulimmik atuinerat.
- Inuinnaat ikiaroorartunik atuinerat

- Nakorsat ikiaroomartunik tunniussisarnerat
- Heroinimik nakorsamit innersuunneqartumik ikiaroomartunik atornerluisunik katsorsaanermut atatillugu suliat
- Umiarsuarni nakorsaataasivinniittut imaluunniit timmisartuni ikiueqqaarnermi karsiniittut
- Kalaallit Nunaata killeqarfii aqqutigalugit ingerlatsineq kiisalu nioqqutissanut akileraaruteqanngitsunut quersuarmut il.il. inissiinerit

2. Cannabisimit nioqqutissanik 0,2% ataallugu THC-mik akulimmik suliffeqarfiit eqqussuinissaannut akuersissut

Kina Nunatta Nakorsaaneqarfianit akuersissummik tunineqassava?

Suliffeqarfik sunaluunniit cannabisip naasuanit 0,2% ataallugu THC-mik akulimmik cannabisimit nioqqutissanik eqqussuisoq nalunaarummit malittarisassiorneqarsimasoq taakkuningga suliaqarnissamut Nunatta Nakorsaaneqarfianit akuersissuteqassaaq.

Cannabisimit nioqqutissanik 0,2% ataallugu THC-mik akulimmik eqqussuinissamut tunngatillugu suliffeqarfiit qinnuteqarnerannut atatillugu suliffeqarfiit nioqqutissap sumingaanneerneranik uppernarsaasinnaasariaqarput. Ilaatigut nioqqutissat sumi nioqqutissiarineqarnerannut aamma nioqqutissat sumit suliffeqarfimmeersuunerannut suliffeqarfik uppernarsaasinnaasariaqarpoq. Cannabisip THC-llu Kalaallit Nunaannut eqqussorniarneqartut annertussusaasa ilisimatitsissutigineqarnissaat aamma kissaatigineqarpoq. Iitersuummi matumani paasissutissiissutigineqartut saniatigut Nunatta Nakorsaaneqarfia uppernarsaatinik allanik piunasaqarsinnaavoq.

Kina Nunatta Nakorsaaneqarfianit akuersissummik pisariaqartitsinngila?

- Nunatta Nakorsaataasivia matumani Dronning Ingridip Napparsimavissua (DIH).
- Politiit, Cannabisimik 0,2% ataallugu aamma 0,2% sinnerlugu THC-mik akulimmik politiit sulinerannut aamma paasiniaanerannut atatillugu.

Cannabisimit nioqutissanik 0,2% ataallugu THC-mik akulimmik eqqussuineq

Nunamit allamiit Kalaallit Nunaata killeqarfianut sunilluunniit cannabisimit nioqutissanik 0,2% ataallugu THC-mik akulimmik eqqussuinerit, tassunga ilanngullugit Danskit Naalagaaffeqatigiiffianni nunaneersut Nunatta Nakorsaaneqarfianit akuersissuteqaqqaassapput, annertussusaat apeqqutaatinnagu.

Cannabisimit nioqutissanik 0,2% ataallugu THC-mik akulimmik eqqussinissamut piumasaqaataavoq Kalaallit Nunaanni suliffeqarfimmik, ikiaroorartut pillugit nalunaarummik eqqortitsinissamut akisussaaffeqartumik peqassasoq. Akisussaaffik taanna suliffeqarfimmi, cannabisimit nioqutissanik 0,2% ataallugu THC-mik akulimmik akuersissummik pissarsiffiusumi inissisimavoq.

Suliffeqarfiit nunanit allaneersut cannabisimit nioqutissanik 0,2% ataallugu THC-mik akulimmik eqqussinissamut akuersissummik pissarsisinnaapput. Taamaattorli suliffeqarfiup nunamit allameersoq sinnerlugu Kalaallit Nunaanni amerlasuunngorlugit pisisartup qulaani eqqaaneqartumik akisussaaffeqarnissaa piumasaqaataavoq.

Akuersissummi najugaq allanneqarsimasoq taamaallaat atorlugu nioqquteqartoqarsinnaavoq.

Nioqquteqarnermi suliffeqarfiup qulakkeertuaannassavaa suliffeqarfiup niueqatigineqartup imaluunniit tunisaqarfigineqartup ikiaroorartunik nioqquteqarnissamut aamma/imaluunniit tigusaqarnissamut paarisaqarnissamullu akuersissuteqarnera. Naalagaaffiup suliffiutaanik, Nunatta Nakorsaaneqarfianit akuersissuteqaqqaaranit suliaqarfiusinnaasuni, isumaqatiginninniarnermi allagartamik pisortamit atsiorneqarsimasumik peqassaaq.

Aatsaat akuersissummik pissarsisimagaanni cannabisimit nioqutissanik 0,2% ataallugu THC-mik akulimmik eqqussuisoqarsinnaavoq. Suliffeqarfiit akuersissuteqaratik eqqussuisut unioqqutitsissapput pineqaatissinneqarsinnaallutillu.

Inuk Nunatta Nakorsaaneqarfianut akisussaasuusoq

Naasumit cannabisimit nakorsaasiamik 0,2% ataallugu THC-mik akulimmik cannabisimit nioqqutissanik suliffeqarfiup suliaqarnerani aqutsisumik akisussaasumik suliffeqarfik toqqaassaaq. Ikiaroorartut pillugit nalunaarummi malittarisassat suliffeqarfimmi eqqortinnissaat inuup akisussaasup suliassaraa. Sulisut allat, cannabisimit nakorsaasiamik 0,2% ataallugu THC-mik akulimmik cannabisimit nioqqutissanik suliaqartut allaffissornikkulluunniit suliaqartut suleriaatsinik aamma cannabisimit nakorsaasiamik 0,2% ataallugu THC-mik akulimmik cannabisimit nioqqutissat pillugit inatsimmik ilinniartinneqarnissaat inuup akisussaasuusup akisussaaffigaa.

Cannabisimit nioqqutissanik 0,2% ataallugu THC-mik akulimmik suliaqarnissamut tunngatillugu inuk akisussaasuusoq sulisunut allanut suliassanik agguasinnaavoq.

Nunatta Nakorsaaneqarfianit naatsorsuutigineqarpoq inuk akisussaasuusoq ikiaroorartut pillugit nalunaarummi aalajangersakkanik kiisalu akuersissummi piumasaqaatinik erseqqissarneqarsimasunik eqqortitsissasoq.

Inuk akisussaasuusoq akuersissummi allassimavoq. Inuup akisussaasuusup allangortinnissaa kissaatigineqarpat tamanna pillugu Nunatta Nakorsaaneqarfia paasitinneqassaaq. Inuk akisussaasoq ass. sulinngiffeqassappat, sivisuumik napparsimappat suliffimmiluunniit suliunnaarpat tamanna pillugu Nunatta Nakorsaaneqarfia ilisimatinneqassaaq, taamaalilluni suliffeqarfimmi qaqugukkulluunniit inummik akisussaasumik peqassammat.

Akuersissummik qinnuteqaat

Cannabisimit nioqqutissanik 0,2% ataallugu THC-mik akulimmik eqqussinissamut qinnuteqarnissamut immersugassaq kiisalu qinnuteqarnissamut immersugassamut ilitsersuut Nunatta Nakorsaaneqarfiata nittartagaaniipput.

Cannabisimit nioqqutissanik 0,2% ataallugu THC-mik akulimmik eqqussuinissamut qinnuteqarnermi Nunatta Nakorsaaneqarfia akuersissummik tamanut atuuttumik imaluunniit ataasiakkaanut akuersissumik tunniussisinnaavoq.

Nunatta Nakorsaaneqarfianut akuersissummik qinnuteqartoqarpat akuersissummillu pissarsisoqarluni Nunatta Nakorsaaneqarfia akuersissummut atatillugu piumasaqaatinik aalajangersaanissamut periarfissaqarpoq. Tamatumani assersuutigalugu nioqqutissanik misileraanissamut tunngatillugu Nunatta Nakorsaaneqarfia piumasaqaateqarsinnaavoq. Akuersissummut atatillugu piumasaqaateqartoqassanersoq aamma piumasaqaatit suussanersut Nunatta Nakorsaaneqarfiata inatsisit atuuttut iluanni nalilersussavai.

Aallaaviatigut ulluni 14-ini sulianik suliarinninneq sivissuseqartassaaq. Nunatta Nakorsaaneqarfiata suliamik suliarinninnermini paasissutissanik amerlanerusunik suliffeqarfimmiit pisariaqartitsiguni suliamik suliarinninneq sivitsorneqarsinnaavoq. Aamma Akitsuusersuinermi oqartussat cannabisimit nioqqutissanik eqgussanik misissuinissamik kissaateqarpata suliamik suliarinninnermi piffissamik sivitsuisoqarsinnaavoq. Akitsuusersuinermi oqartussat suliamik suliaqarnermini piffissamik atuinerannut Nunatta Nakorsaaneqarfia akisussaatinneqarsinnaangilaq.

Ikrafttræden

Denne vejledning træder i kraft den 7. marts 2023.

Landslægeembedet, den 7. marts 2023

Henrik L. Hansen / Louise Lohmann Faber